

安福縣志卷之十三

典禮慶賀 開讀宣講 迎春耕藉 釋菜鄉飲 行香救護 喪祭婚嫁 鄉射

禮之為用廣矣自朝廷以迄里閭凡吉凶賓嘉之大周旋進反之微亦莫不各有自然之節度非是則乖迕紛紜而失所據故禮不可不講也我

國家軌物宣昭考會典一書細目宏綱燦然大備誠足以治神人和上下矣惟帙富卷盈殊難悉載謹摘一邑中所有事者著於篇從此觀其會通又安有貽譏於隕越者哉志典禮

安福縣志

典禮

卷之十三

慶賀禮

凡元旦冬至

萬壽三大節暨

皇后千秋令節前一日於

萬壽宮安設香案

龍亭排列儀仗至日午鼓各官朝服恭詣文東武西序立

丹墀下禮生四人稟三鼓行禮引至各拜位通贊唱

序班行三跪九叩首禮畢各退三大節惟

萬壽聖節先後三日俱蟒服坐班餘俱本日坐班



開讀

詔書禮

凡

朝使恭齋

詔書至地方官俱朝服具

龍亭采輿儀仗鼓樂出郭外肅迎使者奉

詔書置

龍亭中南嚮立於亭東地方官北嚮行三跪九叩首禮衆官及鼓樂前導使者隨亭後行至公庭門外衆官先

安福縣志

典禮

二

卷之十三

趨入文武分東西序跪候

龍亭至公庭中使者立

龍亭之東西向禮生贊序班文東武西樂作行三跪九叩首禮使者奉

詔書授展讀官展讀官跪受詣開讀案前宣讀衆官皆跪宣讀畢展讀官奉

詔書恭授使者奉置

龍亭中衆官跪行三叩首禮起又行二跪六叩首禮退易服與使者行禮地方官仍具鼓樂恭送



龍亭 凡

詔書經過道路官員軍民人等俱於路旁俯伏候  
詔書過方起如出使在外官員遇

詔書到處卽出迎郊外至公庭中贊禮生贊出使官行禮  
先引至露臺行三跪九叩首禮然後地方官行禮至  
開讀時出使官仍隨班跪聽一同行禮 凡

詔書經過及止宿地方先行知五里之內府州縣文武各  
官具鼓樂出城迎接跪於道右候

詔書過方起隨至郵亭設香案供奉使者立於案東禮生  
贊行三跪九叩首禮衆官易服與使者行禮

詔書不及郵亭不行禮而臨行時亦仍具鼓樂出城在道  
右跪送

宣講

聖諭禮

附講鄉約

每月朔望預擇寬潔公所設香案屆期文武官俱至  
著蟒服禮生唱序班行三跪九叩首禮興退班齊至  
講所軍民人等環列肅聽禮生唱恭請開講司講生  
詣香案前跪恭奉

安福縣志

典禮

三

卷之三



聖諭登臺木鐸老人跪宣讀畢禮生唱請宣講

聖諭司講生按次講畢各退 凡州縣城內及各大鄉邨各

立講約之所設約正一人於舉貢生員內揀選老成  
有學行者爲之值月三四人選樸實謹守者爲之置  
二籍德業可勸者爲一籍過失可規者爲一籍值月  
掌之月中則告於約正而授於其次每月朔日舉行  
先期值月預約同里之人夙興集於講約之所俟約  
正及者老里長皆至相對三揖衆以齒分左右立設  
案於庭中值月向案北面立抗聲宣讀

安福縣志

典禮

四

卷之十三

聖諭廣訓各人肅聽約正復推說其義必剴切丁寧務使警

悟通曉未達者仍許其質問講畢如此鄉內有善者  
衆推之有過者值月糾之約正詢其實狀衆無異詞  
乃命值月分別書之值月遂讀記善籍一徧其記過  
籍呈約正及耆老里長默視一徧皆付值月收之事  
畢衆揖而退歲終則考校其善過彙冊報於州縣官  
設爲勸懲之法有能改過者一體獎勵之

迎春禮

每歲立春日府州縣官迎春於東郊前二日具吉服



采仗鼓樂出土牛

芒神行一跪三叩首禮昇土牛

芒神行香亭鼓樂前導至各署大門內設次安奉土牛

南嚮

芒神位東西向至日清晨陳設香燭酒果各官具吉服

齊集次所行一跪三叩首禮奠酒三爵後三叩興昇

土牛

芒神行各官後隨至東郊各官至采仗環立土牛兩旁

樂工疊鼓各官鞭春環擊土牛者三禮畢

安福縣志

典禮

五

卷之三

凡迎春禁例康熙十二年覆准嗣後直省府州縣各

官拜迎芒神土牛止用鼓吹綵亭其勒令鹽商當舖

行戶粧扮故事臺閣排列金珠張鼓樂樹旗幟併科

派里長提取馬匹車輛伶人娼婦等項嚴行禁止如

有前項糜費並各官借端派累該督撫科道題叅交

與該部議處

土牛式

土牛胎骨用桑柘木身高四尺

按四時

長三尺六寸

按

百六頭至尾長八尺

按八節

尾長一尺二寸

按十

鞭用



柳枝長二尺四寸按二十四氣牛色以本年為法頭角耳

用本年天干身用本年地支蹄尾肚用納音天干甲乙屬木

色青地支亥子屬水色黑納音如甲籠頭拘索以立

春日日干為籠頭色拘用桑柘木索孟日用麻謂寅申巳

亥仲日用苧謂子午卯酉日季日用絲謂辰戌丑未日造牛以冬至

節後辰日於歲德方取水土甲年東方甲位乙年西方庚位丙年南方丙位

丁年北方壬位戊年東南方戊位巳年東方甲位庚年西方庚位辛年南方丙位壬年北方壬位癸年東

南方戊位

### 芒神式

## 安福縣志

典禮

六

卷之十三

芒神服色用立春日支辰受尅為衣色尅為衣繫腰

色如立春子日屬水衣取土尅水用黃頭髻用立春

日納音為法金日平梳兩髻在耳前木日平梳兩髻在耳後左

髻在耳前火日平梳兩髻左髻在耳前右髻在耳後土日平梳兩髻在頭直上卷耳用立春

時為法從卯至戌八時卷耳用手掣陽時左手提陰

時揭從左邊子丑二時全戴蓋寅亥時為鞋袴行纏

以立春納音為法逢金木繫行纏鞋袴金行纏左關

水日俱全火日俱無土老少以立春年為法寅申巳亥老子

尺六寸按一年三百六十日午卯酉壯辰戌丑未幼身高三



耕耨禮

各府州縣於東郊

先農壇側擇地九畝四分爲耨田歲仲春亥日巳時旣  
祀

先農廼行耕耨禮正印官秉耒掾吏奉青箱播種每歲  
收穫以供祭祀之粢盛至日各官采服司旗執青旗  
司鼓載田鼓各分東西負耒錯立司鉦引銅鉦分東  
西立於旗鼓之前樂工立於東西二區之南唱贊生  
二人立於東西二區之北府縣各就耕所執事官牧

安福縣志

典禮

七

卷之十三

人耆老等序立兩旁皆南向行九推禮執事官進犁  
進鞭皆秉耒初推司鉦者鳴鉦一聲司旗者揚旗司  
鼓者疊鼓樂工歌詩農官牧人引牛行播種官執青  
箱隨後播種一進一返爲一推司鉦者鳴鉦一聲初  
推禮竟二推三推至九推皆如之九推畢停犁釋鞭  
庶人終畝設賞案頒農官及耆老等賞有差賞畢謝

恩各官就位望

闕行三跪九叩首禮各退

官員到任釋菜禮



凡直省府州縣學官員到任一二日諏吉詣

文廟行香卽古釋菜遺意

儀注

前期備祭品香燭傳集襄事諸生質明率屬咸朝服

恭詣

文廟櫺星門外

下與馬步行

由左門入至階下

唱贊生

詣盥

洗所 濯水進巾

唱

就位

俟立定

跪

唱 三跪九叩首

唱 興

上香

引贊生前

贊詣

至聖先師孔子神位前

上香

引本官由東階升進殿左門詣香案前立上辨香三

安福縣志

典禮

八

卷之十三

炷 贊 跪

初獻爵

右助獻舉爵授本官舉拱授左助獻奠神位前

贊 亞獻爵

如初獻 儀 贊 終獻爵

如初獻 儀 贊 叩首

如初獻 儀 贊 興

如初獻 儀 贊 詣

復聖顏子

宗聖曾子

述聖子思子

亞聖孟子神位前

上香獻爵均

復位

引本官自殿右門出由西階下

唱 跪

三跪九叩首

唱 興

禮畢其

十二哲暨

兩廡神位前委屬官員恭代行禮

引贊如儀



新生入學釋菜禮

紅案下縣官擇吉傳集新生各雀頂藍衫帶靴於大堂唱名簪花披紅行庭參禮縣官起答揖率領到學會同學官恭謁

文廟上香奠獻酒脯

儀注同官員到任釋菜禮

新生分文武西照

案名次班列於各官後行三跪九叩首禮禮畢齊集明倫堂受學官約束行四拜禮畢諸生趨出黉門外道左俟縣官過鞠躬揖送還聽學官誨言畢三揖退就舍肄業每月應課朔望丁祭聽宣講執事觀禮

鄉飲酒禮

直省舉行鄉飲酒禮歲以孟春望日孟冬朔日預期舉者年致仕德望懋著者一人為賓次介次三賓次眾賓均以齒德兼優者為之府以知府州以知州縣以知縣為主人教官一人為司正贊禮執事以生員先一日設坐次於庠之講堂設律令案於堂東司正官率執事諸生習儀至日質明主人偕僚屬執事生均詣學迺速賓介既至考鐘伐鼓主人出迎於庠門之外賓介東面主人西面主人揖賓介入眾賓從入



三揖至於階三讓廼升主人東階上北面再拜賓介  
西階上北面答再拜主人揖賓介就位三賓眾賓咸  
就位賓席西北南向介西南東向主人東南西向三  
賓眾賓在賓席之西東向坐定贊者贊司正揚觶以  
行禮均唱贊司正由西階升詣堂中北面立賓主以下皆  
立司正揖眾皆揖司爵酌酒於觶授司正司正揚觶  
而語曰恭惟

朝廷率由舊章敦崇禮教舉行鄉飲非爲飲食凡我長  
幼各相勸勉爲臣盡忠爲子盡孝長幼有序兄友弟

恭內睦宗族外和鄉里無或廢墜以忝所生廼畢飲  
以觶授司爵揖賓主以下皆揖司正退眾皆坐執事  
者舉律令案於堂中讀律令者詣案北面立賓主以  
下皆立揖如前讀畢退主人起獻賓席前北面立司  
爵酌酒授主人主人授爵詣賓位司饌舉饌案於賓  
前主人奠爵於席降再拜賓答再拜退復位賓起辭  
主人席前東面立司爵酌酒授賓賓授爵詣主人位  
饌案從賓奠爵於席再拜主人答再拜賓復位主人  
起獻介介酌主人均如前儀司爵酌酒獻三賓眾賓



備工升鼓瑟歌鹿鳴賓主以下酒三行司饌供羹笮  
磬作奏南陔間歌魚麗笙由典司爵以次酌酒司饌  
供羹者三廼合樂歌關雎工告樂備執事者徹饌案  
賓主以下皆起主人就東階賓介就西階均再拜賓  
介降階出主人送於門外如初迎儀

凡鄉飲酒禮序長幼論賢良別奸頑其坐席間高年  
有德者居上高年醕焉者進之以次序齒而列其有  
違條犯法者不許干與善良之席違者罪以違制敢  
有誼譁失禮者揚觶者以禮責之乾隆十九年會典  
館奏定各省舉行鄉飲事不盡一旦竟有頻年闕畧  
不舉致曠

安福縣志

典禮

士

卷之十三

大典者應令各省督撫轉飭所屬府州縣每歲遵照定  
例於正月十月舉行二次其賓介之數據舊典所載  
鄉飲酒圖有大賓介賓一賓二賓三賓衆賓與大饌  
一饌二饌三饌之名按儀禮賓若有遵者諸公大夫  
則既一人舉觶乃入注言今文遵爲饌又曰此鄉之  
人仕至大夫者來助主人樂賓主人所榮而遵法者  
也或有無來不來用時事耳又曰不干主人正禮也



謂之賓者同從外來耳大國有孤四命謂之公又疏  
言一人舉觶爲旅酬始乃入卽是作樂前人又戴記  
坐僎於東北以輔主人所謂席於東賓助主人樂賓  
者也其言主人親速賓及介而衆賓自從之至於門  
外主人拜賓及介而衆賓自入三揖至於階三讓以  
賓升拜至獻酬辭讓之節繁及介省矣至於衆賓升  
受坐祭立飲不酢而降皆無一言及僎者所謂不干  
主人正禮者也嗣後應令順天府及直省府州縣先  
期訪紳士之年高德邵者一人爲大賓次爲介又次

安福縣志

典禮

三

卷之十三

爲衆賓皆由州縣詳報府尹督撫覈定舉行其本地  
有仕至顯官偶居鄉里願來觀禮者是謂僎賓依古  
禮坐於東北順天府及直省會城一品席南向二三  
品席西向各府州縣三品以上席南向四五品席西  
向無則闕之不立一僎二僎三僎之名不入舉報之  
內仍將所舉賓介造具姓名籍貫清冊送部存案倘  
鄉飲後有過犯按所犯輕重詳報褫革咨部除名並  
將原舉之官議處

按經費舊州志載澧州鄉飲二次  
共銀十二兩安石慈各共銀八兩

順治十四年俱減半福邑則與永定各  
共議銀八兩俟動支之年報部核銷



三僕 無屬

二僕 東階

一僕 西階

飲 儀

酒 律

禮 儀

一賓

二賓 西階

三賓 東賓

典禮

安福縣志

賓興禮

凡舉行鄉試縣官前期延集錄科生員等行賓興禮  
儀注先期儒學官將奉准督學錄科生員起具紅批  
牒送縣官擇日具書柬延集科舉諸生至日結綵於  
大堂或明倫堂鼓樂設筵拜揖如儀縣官與諸生簪  
掛花紅就坐縣堂儒學官東西僉坐諸生以次兩旁  
列坐酒五行或十行起由中門送出

藩庫有例給科舉銀兩

朔望行香禮

儀注



每月朔望印官會同教官禮服詣

文廟櫺星門外

下與馬步行

由左門入

唱贊生

唱排班

各就位立

唱班齊

上香

引贊生前詣

贊詣

至聖先師孔子神位前

引承事官由東階上進

跪

叩首

贊興

復位

引承事官自殿右門出由西階下

唱跪

唱

三跪九叩首

唱興

禮畢次詣

崇聖祠

行二跪六叩首禮

次分詣

關聖

文昌

安福縣志

典禮

古

卷之十三

火神廟

行三跪九叩首禮

奎星樓

行一跪三叩首禮

龍神廟

城隍廟

行二跪六叩首禮

俱上香三炷如儀

○謹按舊通志及奉頌祀典均載

火神城隍行三跪九叩首致祭推之朔望行香禮當亦同之今州縣多以二跪六叩為例存參

日月食救護禮

例定直省郡縣均遵欽天監推算時刻恭行救護遇

穿朝服之期救護官員於初虧復圓俱素服行禮其

月朔日食官員是日俱常服惟救護時素服又日食



遇元旦日停止朝賀筵宴

儀注

凡日食潔掃本衙堂署儀門內外設香案於露臺上

早晚隨日為向陳金鼓於儀門兩旁布各官拜位於香案後

俱向日陰陽生報日初虧禮生贊排班各官俱素服至拜三

跪九叩首興贊上香班首官進至香案贊復位贊跪

各官皆贊伐鼓陰陽生捧小鼓進桴跪於左班首各官

乃按班更番上香祇跪少頃贊興各官更番祇食甚

禮生贊各官行禮如初陰陽生報復圓金鼓止禮生贊各官行

安福縣志

典禮

吉

卷之十三

禮如初贊禮畢各退救護月食儀同

官民喪葬禮

天聰六年定各官祭葬例凡各官卒若五備禦總兵

官給楮二千張羊二酒五尊聞訃及葬日祭期遣官

諭祭三次總兵官給楮一千六百張羊二酒四尊遣祭二

次副將給楮一千二百張羊一酒三尊遣祭二次參

將游擊給楮八百張羊一酒二尊遣祭一次備禦給

楮四百張羊一酒一尊遣祭一次至世職有功者或

陣亡或病卒俱照此例以才能授職而沒於陣者亦

照此例病卒者減半給之遣祭一如前例其羊酒等

卽令遣祭官齋送前往○八年定婦人有願殉夫者

止許正妻殉仍行請旌一應妾媵不許殉若妻強逼

侍女殉者其妻坐死如違例自殉者夫族兄弟各議

罰首人許讎本主○順治三年酌定喪服之制例圖

於律頒行天下○九年題准郡王額駙民公以下各

官卒陳設執事朱棺內櫬一層行初祭大祭禮祭品



論

百行

各按品級多寡不等其父母及命婦未分家子卒一  
 應祭禮各照伊夫伊父品級用庶人卒朱棺內櫬一  
 層行初祭大祭禮○康熙七年定民公以下各官及  
 庶人各增定祭品有差其百日喪儀仍照順治九年例  
 祭減半用○九年覆准官民喪儀仍照順治九年例  
 行○十二年禁止本主強逼奴婢殉葬○二十六年  
 親朋聚會毫無居喪之體令漢軍都統副都統將居喪  
 演戲飲酒呼盧鬪牌照賭博例嚴行禁止○又定凡官  
 員卒於官與官員之父母及妻之喪皆許歸殯於家  
 城門人役不得阻抑○雍正元年題准民公侯伯滿  
 漢職官以及兵丁庶民葬祭婚嫁之禮一並定例○  
 又覆准饋粥乃慎重喪禮因有喪之家不暇飲食故  
 各親族憐愛特饋粥以食之並非筵燕應令八旗將  
 饋粥為各多備豬羊大設肴饋之處嚴禁違者題叅  
 治罪○又定歛衣官民故者前後歛衣共五襲○又  
 定官民出殯除量造紙劄車馬橋樓庫外其餘奇巧  
 臺閣等項概行禁止鞍馬衣箱等喪家力能自備者

安福縣志

典禮

六

卷之十三

論

古之

照定例數目備用其或力不能備除負用槓舉棺罩  
 執事外其鞍馬衣箱等項徒滋糜費應行禁止棺罩  
 公侯伯用五采裝花青藍等緞一、二品官用銷金青  
 藍等緞三四品官用青藍雲緞六、七品官用青  
 素緞及青藍緞九品以下官員生員監生用青絹兵  
 丁庶民用青布其力不能自辦者聽其節省租用惟  
 不許踰等官民塋葬永不能自辦者聽其節省租用惟  
 葬者厚衣之以薪葬之中野後世聖人易之以棺槨  
 所以通變宜民而達其仁孝之心也本朝肇跡關東以  
 師兵為管衛遷徙靡常遇父母之喪棄之不忍攜之  
 能故用火化以便隨身奉持聊以遂其不忍相離之願  
 非得已也定鼎以來八旗蒙古各有甯居祖宗墟墓悉  
 隸鄉土喪葬可依古以盡禮而流俗不察或仍用火化  
 此狃於沿習之舊不思當年所以不得已而出此之故  
 也朕思人子事親送死最為大事豈可不因時定制而  
 痛自猛省乎嗣後除遠鄉貧人不能扶柩回里不得已  
 攜骨歸葬者姑聽不禁外其餘一概不許火化倘有犯  
 者按律治罪族長及佐領等隱匿不報一並處分朕又



諭朕

諭朕

諭在

安福縣志

典禮

七

卷之十三

聞漢人多惑於堪輿之說講求風水以至累年停柩漸  
 至子孫貧乏數世不得舉葬愚悖之風至此為極嗣後  
 守土官必多方勸導俾得按期葬埋以妥幽靈以盡子  
 職此厚人倫美風俗之要務也其各務慎遵毋忽○又  
 聞外省百姓有甚者至於招集親朋鄰族開筵劇飲謂  
 文侈靡過費其甚於喪處所連日演戲而舉殯之時又復  
 在途扮演雜劇戲具者從來事親之道生事死祭皆必  
 以禮得為而不為與不得為而為之者均為非孝是知  
 各循其分乃能各盡其孝而初不在以奢靡相尚也况  
 當哀痛迫切之時而顧聚集親朋飲酒演劇相習成風  
 恬不知怪非惟於理不合抑亦於情何忍此甚有關於  
 風俗人心不可不嚴行禁止着各省督撫等通行明切  
 曉諭嗣後民間遇有喪葬之事不許仍習陋風聚飲演  
 戲以及扮演雜劇等類違者按律究處毋得寬縱○又  
 聞吉凶異道不得相干故娶在三年之外而聘在三年  
 之內者春秋猶以為非禮記稱大功之未可以冠子可  
 以嫁子父小功之末可以聚婦已雖小功既卒哭可以

冠娶妻三年之喪創深痛鉅苟有人心者必宜於此焉  
 變矣乃愚民不知禮教起於皂隸編氓之家有慮服喪  
 之後不得嫁娶乘父母疾篤及殯斂未終而成婚者其  
 後商賈中多有之士大夫亦間為之而入旗效之朕實  
 憫焉自今伊始自齒朝之士下逮門內有生監者三年  
 之喪終喪不得嫁娶違者奪爵褫服其極貧皂隸編氓  
 父母臥疾呻吟牀褥必賴子婦以躬薪水治饗餼者聽  
 其迎娶盥饋俟疾愈喪畢而後成婚古者禮不下庶人  
 其斯之謂歟曾子問親迎女在途而婿之父死女改  
 服布深衣縞總以趨喪亦此義也其商賈中家不必以  
 士大夫之禮繩之然人性皆善朕知其必有觀感興起  
 而不忍自同於風隸者矣其務一體遵行○乾隆二年  
 京八旗文武各官遇有親喪例於持服百日之後即入  
 署辦事原以旗員人少若令離任守制恐致悞公而伊  
 等在二十七個月之內仍各於私居持服以自盡其心惟  
 是朝會祭祀之期或有執事或應陪祀之處仍皆一律  
 行走未加分別俾盡孝思嗣後在京旗員有親喪者二  
 十七月之內凡遇朝會祭祀之禮應一概免其行走○



十一年題准官員服期除父母之喪應持服百日外其餘喪服皆不得藉名為偷安之計養子於本生父母之喪服制既降為期年亦應改為持服兩月於一  
 月後剃頭當差此親伯叔伯母嫡母親兄弟妻娶妻之  
 子撫養庶母之喪原定持服兩月者改為一月後即  
 剃頭當差此親伯叔伯母嫡母親兄弟妻娶妻之  
 兩月親伯叔祖親伯叔祖之子親伯叔之子親兄弟  
 娶妻之子親嫂親子婦娶妻之孫生子庶母之喪原  
 定持服一月者今定於出殯七日後剃頭當差親伯  
 叔祖之母親伯叔祖之子婦親伯叔祖之孫親弟婦親  
 伯叔之子婦親兄弟之子婦親孫婦之喪原定出殯  
 七日後行走者今定於出殯後剃頭當差無服族人  
 之喪原定出殯後當差者今定不准持服照常當差  
 行走凡大臣官員持服日期其職任官差各異應令  
 各地地方各量職任於期應  
 行走之時即令當差行走

一定例凡民公故采棺朱髻飾金花內襯三層陳設執事

安福縣志

典禮

夫

卷之十三

殯日棺帷用青藍采緞昇夫六十四人前引以丹旒

漢人用銘陳鞍馬八匹初祭大祭設饌筵十五席羊

七隻楮帛四萬○凡侯伯故朱棺內襯一層五品以上同

殯日陳鞍馬七匹初祭大祭皆用羊六楮帛侯三萬

六千伯減四千饌筵侯十三席伯減一席餘皆與公

同○凡一品官故陳鞍馬六匹覆棺以銷金青藍色

緞為帷初祭大祭楮帛二萬八千羊五饌筵十席餘

與侯伯同○凡二品官故陳鞍馬五匹初祭大祭皆

羊四饌筵八席楮帛二萬四千餘與一品官同○凡



三品官故陳鞍馬四匹覆棺以青藍雲緞為帷昇夫四十八人初祭大祭皆用楮帛二萬饌筵六席羊三餘與二品官同○凡四品官故陳鞍馬三匹漢人用銘旌八尺初祭大祭皆用楮帛一萬六千饌筵五席餘與三品官同○凡五品官故陳鞍馬二匹初祭大祭皆用楮帛一萬二千饌筵四席羊二餘與四品官同以上楨舉○凡六七八品官故棺內襯一層下至兵民皆同覆棺用青藍素緞為帷昇夫三十二人漢人用銘旌七尺初祭大祭皆用楮帛一萬饌筵三席餘與五品官同○凡九

安福縣志

典禮

充

卷之十三

品官及有頂帶官員故覆棺用青絹昇夫二十四人餘與八品官同以上楨舉皆飾以紅堊○凡兵民故發引陳鞍

馬一匹覆棺以布昇夫十有六人楨舉兩端飾以黑中飾以堊祭

用楮帛六千饌筵二席羊一餘與有頂戴官員同○

凡民公侯伯墳圍牆一面各二十度共八十度四戶

看守一二品官員墳圍牆一面各十七度半共七十

度二戶看守三四五品官員墳圍牆一面十五度共

六十度一戶看守六品官以下有頂戴官員以上墳

圍牆一面六度共二十四度庶民墳圍牆一面四度



共十六度六品官以下庶民以上看墳不過二人○  
凡墳塋石獸一品官塋地九十步墳高丈六尺二品  
塋地八十步墳高丈四尺三品塋地七十步墳高丈  
二尺石獸並六四品塋地六十步墳高一丈五品塋  
地五十步墳高八尺石獸並四六品塋地四十步七  
品塋地二十步墳高六尺以上發步皆從塋心數至  
邊五品以上許用碑龜趺螭首六品以下許用碣石  
方趺圓首席人塋地九步穿心十八步止用壙銘○  
凡民公兵民居喪二十七月內不宴會不鼓樂不娶

妻納妾門戶不換舊符○凡官民人等葬後清明不  
得插用墳花○凡祭禮一品至三品於居室之東立  
廟五間中三間爲堂左右各一間爲夾室四品至七  
品廟三間中爲堂左右爲夾室八九品廟三間中廣  
左右狹皆奉高曾祖禰四世昭左穆右以正室配○  
凡用牲一品至三品陳羊一豕一四品至七品特豕  
八品以下豚肩不特殺○凡祭品三品以上每案俎  
二釧二敦二籩豆各六七品以上籩豆各四八品以  
下籩豆各二皆俎一釧敦數同○一凡公以下有頂



戴官員以上舊例父母妻各照伊子伊夫其未分居  
之子各照伊父嗣後未分居之子有職銜者仍照本  
身品級如無職銜者十五歲以上准照伊父品級其  
祭筵羊數仍減半用餘照舊例行至周年百日及上  
墳常祭祭筵自公以下及有頂戴官員以上各照定  
例內減半用之庶民常祭亦照定例從減

### 官民婚嫁禮

凡品官婚禮先以媒妁通言二姓遂諏吉行納采禮  
自公侯伯至九品以上官各具簪珥約領衣服衾褥  
有差主人吉服命子弟為使從者齎禮物於女氏至  
門女氏主人言服迎入從者陳禮物於廳事賓致命

### 安福縣志

典禮

三

卷之十三

主人祇受告於廟迺禮賓賓退主人送於門使者還  
復命是日設燕燕具牲酒自公侯以下數各有差婚  
期前一日女氏以奩具往陳壻家至日壻家具台  
燕於室壻吉服以俟迺設儀衛以婦與如女氏女氏  
主人告於廟筭而命之醴酒以俟迎者迎者至姆奉  
女升輿行至門女侍導婦入室壻婦交拜訖行合  
禮是日設燕與納采日同越三日主人主婦率新  
婦見於廟分不得立廟者見祖禰於寢如常告儀

一定例凡民公以下各品官之子未受職者禮得視  
其父已受職者各從其品士婚禮得視九品官庶民  
納采首飾數以四為限與不綵飾餘均得視士○一  
凡民公婚禮納幣金約領一金簪四金珥二緞衣四  
襲緞衾褥三具侯伯婚禮金簪減一餘皆準公○一



凡一品官婚禮納幣金約領一金簪三金珥二緞衣  
三襲緞衾褥三具二品官衣及衾褥各減一三品官  
金簪減一四品官衣及衾褥又各減一無金簪五六  
品以下均同其金約領及金珥四品以下各視其力  
能具者備用軍民以下人等婚禮納幣衣一襲衾褥  
一具○一凡有品級官婚嫁或用本官執事鼓樂人  
不得過十二鐙不得過十二生監軍民不得僭用執  
事鼓樂人不得過八鐙不得過八席民婦女不得僭  
用冠幘補服大轎○又雍正元年定公納采禮其日

安福縣志

典禮

三

卷之十三

設燕用牲九成婚日具筵二十席侯納采日燕用牲  
八成婚日具筵十有八伯納采日用牲七成婚日具  
筵十有七一品官納采日用牲六成婚日具筵十有  
五二品官納采日用牲四成婚日具筵十有三三品  
官納采日用牲三成婚日具筵八四品官納采日用  
牲二成婚日具筵六五品官納采日用牲二成婚日  
具筵五六品以下納采日具筵用牲二成婚日用牲  
三自四品以下各聽其力能具者備用軍民人等納  
采具筵用牲一成婚日用牲二



鄉射禮 附

遇每月朔望日有司官行香講書畢詣射圃行禮

儀注 凡習射先擊鼓六聲以齊賓及門弟子當射設鵠如制設司正掌驗射設司射以強弓射鵠誘射設掌爵以授飲設侍獲以掌矢設執期以舉應其射位自三十步至九十步射四矢以二人為耦查前明洪武三年定學校射儀前期戒射定耦選職事充司正副司正司射司器請射舉爵收矢執旗樹鵠陳設訖至日執事者入就位請射者引主射正官及各官

員子弟士民俊秀者各就品位司射器者以弓矢置於各正官及司射前請射者詣正官前揖畢引詣司射器前受弓矢訖復位司正執算入立於中後請射者請司射前曰請誘射引司射二人耦進各以三矢於於腰帶之右以一矢挾於二指間推年齒相讓年長者為上射年幼者為下射上射先詣射位向鵠正立以矢司正書中投算置於中舉旗者如所射誘之射畢退立於旁讓下射者詣位射訖請射者俱引復位收矢者收矢復於射者司正取所中算請射者次



請士民俊秀射次請官員子弟射次請品卑至品高者射俱就射位發矢取算書中舉旗收矢復位皆如前儀既畢司正副司正各持算白中於主射正官舉爵者酌酒授中者飲之中的者三爵中采者二爵飲訖請射者請屬官以下仍奉弓矢納於司射器退詣主射正官前相揖而退

按癸未舊志釋菜禮分詳學校一門其典禮門內則止載慶賀宣講迎春耕藉以及行香救護鄉飲賓興諸端而附以朔望鄉射餘不與焉茲敬體

國家禮教天下至意除將舊載前項典禮悉遵會典詳加校正外所有官民喪祭婚禮歷奉

上諭定制各有等差者仍遵乾隆中通志條款一應恭錄如儀至舊志附載鄉射古禮考

會典及乾隆嘉慶中通志均未載入今亦仍之特附諸卷末以示別云